

समां - 12:25 hrs.

<><><><><><>

LG- NDL

लैफ्टिनेंट गवर्नर मनोज सिन्हा होरें भारतीय टुकड़ियें ते सिविल सेवाएं दे आला अफसरें ते मित्तर मुल्खें दे प्रतिनिधिमंडलें जेड़े राष्ट्री रक्षा कालेज (NDC ) दे इक कोर्स च शामिल हे, उन्दे कन्नै गल्लबात कीती। इस गल्लबात दरान एल.जी होरें आखेया जे हाल च रचे गेदे इतिहास च प्रधानमंत्री नरेन्द्र मोदी हुंदी अगुआई च किते गेदे ऑपरेशन सिंदूर दे राएं भारतीय सेना नै बड़ी गै तगड़ेयाई कन्नै दुश्मन गी जवाब दिता। उनें इब्बी आखेया जे भारत च जेकर हून कोई आतंकवादी हमला होंदा ऐ तां उसी युद्ध आहली कारवाई मन्नेया जाहग ते ओहदा पूरी तगड़ेयाई कन्नै बनकदा परता दिता जाग।

<><><><><><>

Dy. CM Pharmacist Day

मुख्यमंत्री सुरिंदर चौधरी होरें कल जम्मू दे इक फार्मसी कालेज च विश्व फार्मसी दिवस समारोह दा उघाटन कीता। इस मौके पर किट्ठै गी सम्बोधित करदे होई उनें गलाया जे सेहत सरबन्धी सेवाएं च फार्मासिस्टें यानि दोआइयां बनाने आहले दी बड़ी भूमिका ऐ ते कालेज दे विद्यार्थियें थमां ओह भविष्य च इस भूमिका गी खरी चाली निभाने दी मेद रखदे न। उनें कोविड दरान फार्मासिस्टें दी अनथक सेवां दी बी सराहना कीती ते गलाया जे जिसलै लोक घरें

च अपनी सुरक्षा लेई आराम कन्नै बैठे दे हे, उसलै सेहत सरबन्धी कार्यकर्ता गै इस महामारी दे खलाफ जंग लड़ा रदे हे।

<><><><><><>

Rana –Union Min.

जंगलात मंत्री जावेद राणा होरें केन्द्रीय पर्यावरण जंगलात ते जलवायु मंत्री भूपेन्द्र यादव हुंदे कन्नै नमीं दिल्ली च मलाटी किती ते जम्मू-कश्मीर दे जंगलात ते पर्यावरण सरबन्धी गंभीर मुद्दे पर चर्चा बी कीती। इस चर्चा दौरान उनें जम्मू-कश्मीर ते केन्द्र सरकार दे सांझे जतनें दी लोड़ पर जोर भरेया ते संस्थागत क्षमता ते पारिस्थितिक बहाली गी बधाने ते मुख जंगलाती ते पर्यावरण कार्यक्रमें दी समें-सिर अमलावरी करने बारे आकखेया। राणा होरें केन्द्र प्रायोजित जंगलात दी अगग कोला सुरक्षा सरबन्धि प्रबंधन योजना आस्तै साइडे 3 करोड़ रुपे जारी करने लेई आकखेया, जेदे लेई 2024-25 आहले माली बरे दी पहलै गै कार्य-योजना तयार करियै भेजी दिती गेदी ऐ।

<><><><><><>

Satish –Oil Companies

खुराक- सिविल सप्लाई ते उपभोक्ता मामलें दे मंत्री सतीश शर्मा होरें कल मुख तेल कम्पनियें दे प्रतिनिधियें कन्नै इक बैठक लाई ते जम्मू-कश्मीर च एल.पी.जी. दी सप्लाई ते आपूर्ति दी समीक्षा कीती। एह बैठक विशेष रुप कन्नै हाल च हाड़े करी होई दी सिड़कें दी तबाई करी बनी दी स्थिति दे चलदे सददी गेदी ही । चर्चा दे दरान मंत्री होरें जम्मू-कश्मीर दे

उपभोक्ताएं तगर एल.पी.जी. सिलेंडरें दी उपलब्धता सुनिश्चित करने दी जरूरतें पर जोर दिता। तेल कम्पनियें दे प्रतिनिधियें मंत्री होरें गी एह भरोसा दोआया जे आपूर्ति श्रृंखला हर दिन बनाई रक्खी जा रदी ऐ ते असुविधा थमां बचाने लेई हर मुमकिन जतन किते जा रदे न। मंत्री होरें ग्रामीण इलाकें च एल.पी.जी. दे बंड सरिस्ते गी होर मजबूत ते असरदार बनाने पर बी जोर भरेया।

<><><><><><>

### CS Tribal Schemes

मुख्य सचिव अटल डुल्लु होरें कल जम्मू-कश्मीर दे जनजाती समुदाय दी भलाई-बेहतरी ते उन्दे जीवन स्तरें गी उबड़ा चुक्कने लेई केन्द्र आसेया प्रायोजित स्कीमें दी अमलावरी, उन्दी प्रगति, रफ्तार ते हासल उपलब्धियें दा जायजा लैता। इस दौरान उनें जनजाती कल्याण कार्यक्रमें तैहत खर्चें च बाददा करने ते कन्ने आदि-कर्मयोगी अभियान तैहत ग्राम कार्य-योजनां तयार करने दे कम्मैं च तेजी आहन्ने पर बी जोर दिता। उनें आखेया जे इनें स्कीमें दा हर योग्य जनजाती परिवार गी फैयदा पुज्जै एहदा ध्यान रखेया जा एहदे लेई परिवार साब्भै मूलांकन कीता जा तां जे जनजातीय इलाकें च इनें स्कीमें दा पुज्जना ते लागू होना यकीनी बनी सकै ते हर जनजाती कुन्बा इंदा लाह हासल करी सकै।

<><><><><><>

## GST Reforms

नमीं पीढी दे GST टैक्स सुधारें तैहत सरकारें फैक्ट्रियें वैगरा च इस्तेमाल होने आहले कामन एफ्लुएंट ट्रीटमेंट प्लांटें पर बी GST दी दर 12 प्रतिशत कोला घटाइयें 5 प्रतिशत करी दिती ऐ। एहदे कन्नै मते-मते उद्योगें -कारखानें आहले अपनी फैक्ट्रियें च एह संयंत्र लाने लेई प्रेरत होगन ते फैक्ट्रियें दे गंदा पानी या होर रेंद-खेंद दी निकासी कोला पैहले इनें संयंत्रें दी मदद कन्नै उसी साफ करी लैगन जेहदे नै आले-दोआलें जां नदियें तलाएं च फैक्ट्रियें दी गंदगी कन्नै होने आहले प्रदूषण ते नुकसान कोला बचेया जाई सकोग।

<><><><><><>

## Pro. Announcement

आकाशवाणी दा क्षेत्रीय समाचार एकांश जम्मू “सेवा पर्व 2025” दे तैहत अपने विशेष कार्यक्रमें दी श्रृंखला दे इक हिस्से दे तौरा पर अतरु 27 सितम्बर गी 30एं मिन्टे दी इक विशेष परिचर्चा प्रसारत करने जा रदा ऐ, जेहदा विषय रखेया गेदा ऐ- “इक विश्व शक्ति दे रूपे च उभरदा भारत”। इस कार्यक्रम च स्हाड़े परोहने होगन वरिष्ठ पत्रकार ते विश्लेषक मनुश्रीवत्स जेहड़े इस विषय दे बक्ख-बक्ख पैहलुएं पर अपने विचार सांझे करंगन। इंदे कन्नै गल्लबात करगन स्हाड़ी न्यूज एंकर अभिलाषा शर्मा ते मै जगमोशन शर्मा। चेता रखेयो एह कार्यक्रम अतरु शनिवारें सांझे 12.30 बजे स्हाड़े इस्सै चैनल पर मीडियम वेव 303 मीटर यानी 990 किलोहर्ट्स ते FM 100 इशारिया 3 मैगाहर्ट्स पर प्रसारत कीता जाहग।

<><><><><><>